

Jus oahppit eai leat nu olu lohkan...

Jus oahppit eai leat lohkan nu olu ja eai gillestuva lohkat románaid, de lea vejolaš lonuhit romána dakkár girjiiguin main leat oanehit teavsttat omd. diiddat, sátnevádjasat, luohtedajahusat dahje eará smávit lohkanbihtážit. Dá leat ovdamearkkat movt sáhtta bargat veahá oanehit teavsttaiguin. Ulbmil lea ahte BUOHKAT lohket ja movttáskit lohkat eambo.

Bargobihtát sátnevádjasiidda, diiddaide ja luohtedajahusaide

Lohket Salomo sátneláskkuid Biibbalis ja sámi sátnevádjasiid.

Maid vigget sátnevádjasat muitalit? Maid sáhttit mii oahppat sátnevádjasiin? Heivejit go min áigái? Manin? Ságastallet sátnevádjasiid dulkoma birra joavkkuin.

Ráhkadehket stuora ivdneplakáhta juogo dihtoris dahje báhpirii mas bajilčálan lea sátnevádjasat. Válljejhket ovttá sátnevádjasa guhtiige mii heive otná dillái, ja mii din mielas lea buorre, čállet dan plakáhttii. Plakáhta henget seaidnái. Plakáhta sáhtta hervet nu movt oahppit háliidit.

Lohket diiddaid.

Manne son diiddaid leat fuobmán olbmot? Makkár funkšuvdna lea diiddain? Válljejhket ovttá diidda guhtiige man čállibehtet lihppui. Addet oahpaheaddjái!

Lohket luohtedajahusaide.

Ságastehpet duogáža ja oaivila dajahusain. Makkár millii dahket olbmuid dajahusat? Leago juoga mainna sáhtta čevllohallat? Geahččalehpet ráhkadit dajahusaide guhtet guoibmáseaset! Ráhkadehpet áinnas luodáža. Ovdanbuktet luohkás.

Oahpaheaddjái rávvagat:

Oza girjeovdamearkkaid dahje eará dokumeantaid www.ovttas.no:s dahje fitnet girjerádjosis.

Sátnevádjasiiguin bargat: Ságastallet sátnevádjasiid dulkoma ja doaimma birra. Go galgá plakáhta ráhkadit, de sáhtta dan dahkat Tagxedo, Power Pointas dahje Publisheris, dahje moadde A3 árka liibmet oktii, hervet ravddaid ja čállit bajilčállaga ja teavstta tuššain.

Diiddaiguin bargat: čohkke diidalihpuid, juoge guovtte sadjái diidda gokko heive, álggu ovttá lihtái dahje kássii ja loahpa nuppi lihtái/kássii ja bivdde ohppiid (joavkkuid) váldit ovttá lihpu goappáge lihtis/kássas ja bidjat oktii. Mo de šattai diida? Orru go dáiga? Dasto galget, áinnas muitit, muhto goit dárkkistit movt diida duodas lea ja ovdanbuktit joavkkuid mielde ođđa diidda ja maiddá nu go diida duodai lea.

Luhtedajahusaiguin bargat: oahpaheaddji ferte jurddašit makkár luhtedajahusaid birra oahppit galget oahppat. Go galget guhtet guoibmáseaset bidjat luođi ja dajahusaid, de lea dehálaš ahte lea juoga posiitiiva nuppi birra. Danne berre maid gávdnat ovdal ovdamearkkaid main lea posiitiiva dajahus olbmo birra. Jus eai hálit eará ohppiide hutkat dajahusaid, de sáhttet omd. ruovttubáikái, skuvlii dahje luohkkái hutkat luođáža mas leat posiitiiva dajahusaid.

Sátneduojit ja noveallat

Lohket novealla ja káseriija skuvllas.

Gii lea čállán ja makkár tihttel lea čállošis? Ságastehpet šáŋŋera ja sisdoalu birra, váldopersovvna, dáhpáhusa, geahččanguovllu. Man birra lea dát novealla/káseriija? Maid viggá čállu lohkkiiide muitalit? Lea go duođalaš, ilgadis vai somás fearán? Geavaha go makkárge gielalaš váikkuhangaskaomiid? Ironiija, vuostálasvuodát, geardduheamit, giellagovat, govvideamit? Movt dat váikkuhit muitalussii? Čilge erohusa káseriija ja noveallas. Čále čoahkkáigeasu girjegirjjáži. Sárgot gova man henjebehtet seaidnái.

Oahpaheaddjái rávvagat:

Oza girjeovdamearkkaid www.ovttas.no:s, geavat ohcansáni *sátneduojit* dahje *noveallat/noveallačoakkáldat* dahje fitnet girjerádjosis.

Lea buoremus bargat noveallain ja káseriijan maŋŋálaga vai ohppiide lea álkit muittit goappašat teavsttaid ja buohtastahttit daid. Ohppiide ferte čilget dábálaš dovdomearkkaid goabbatge šáŋŋeris, vai ohppet doahpágiid ja máhttet čilget sániiguin erohusaid dán guovtti čállošis. Muđui galget oahpásnuvvat ja hárvánit dulkot váikkuhangaskaomiid mat leat noveallain ja káseriijain ja gávdnat fáttá, motiivva ja sága.